#### KAMSA EXAMINATIONS MOCK 2022.

### UGANDA ADVANCED CERTIFICATE OF EDUCATION

#### RUNYANKORE-RUKIGA

# Orupapura Rw'okubanza

### Eshaaha ibiri n'ekicweka.

#### EBY'OKUKURATIRWA ABARIKUBUUZIBWA

- Ebibuuzo ebi biri omu bicweka bishatu A, B na C
- Garukamu ebibuuzo byona omu kicweka A omu bicweka B na C. garukamu nk'oku oraaragirwe.

#### **EKICWEKA A**

#### **EBITEBYO EBIRAINGWA**

### Garukamu ekibuuzo kimwe (obubonero 25)

### RWAKYEKORAIRE BUHANO: MUBANGIZI

- 1. Shoboorora emitwarize ya Rwakyekoraire Buhano omu bwire obu bukuru n'enaku byabaire bitakamubotsire n'okuyaatungire eiziina eryo.
- 2. Shoboorora ekyaresire okufa kw'ekishobobo okwa mwene Rwakyekoraire Buhano.

### Ku oyehanga okutega oyemera okushuura. SITAARIKO

- 3. Handiika kandi oshoborore enaku n'oburemeezi ebi Abeeri Ndibarema n'omurigirwa we barabiremu.
- 4. Yoreka emishango ei Abazigu ba Abeeri Ndibarema babaire bamukomiire n'oku yaabatorokireho omu Kihome kyo'omu kirwa omu Ihamba.

### **EKICWEKA B**

### EBITONGYERERO N'EKITEBYO

Garukamu ebibuuzo bibiri byonka. Kimwe kuruga omu kitebyo n'ekindi omu kitongyerero.

# B.K.MUBANGIZI: Ebyevugo by'Erigyenda

5. Nk'omwegi oshomire akatabo Ebyevugo by'erigyenda aka B.K.Mubangizi, ni byegyeso ki ebiri omu ako? (obubonero 25)

JAMES TURYATEMBA: Ija Tuhimbe Iwe Ankore na Kigyezi

### 6. NYAABURA OMURURU NI MUBI!

Nooba oyegwire ente aha mutwe, Ohagatiire enkoko omu kwahwa, Osibikire embuzi aha kuguru, Kwonka oiruka aha ruseeneene!

Nooba noovuga emotoka, Erikureeba nk'omuntu, Okireeba ow'akagaari karungi, Nako oyenda okamwake!

Nooba oine abakazi baingi, Okireeba muk'abandi, Akutukura omu riisho, Oita iba, ngu omuhungure!

Nooba oine eigana ry'amatungo, Bakikukaka ngu osiime Ruhanga, Okwata rushaaga omu igana,

# Oba niyo waatoija!

### Ebibuuzo:

- (a) Ekitongyerero eki kigyendereire baahe kandi ahabw'enki?
- (b) Omutongyerezi atongyereire mu murungo ki kuhitsya obutumwa bwe aha bashomi b'ekitongyereo eki?
- (c) Ekitongyerero eki nikigasira ki abashomi baakyo?
- (d) Orikuheereza eby'okureeberaho, ni bintu ki ebindi ebibi ebi abantu b'eriigyenda bakozire ebitarikugambwaho omu kitongyererero eki?
- 7. Shoma ekitebyo ekyakuheebwa ahaifo bwanyima ogarukyemu ebibuuzo ebirikukurataho.

#### TINTWARWA AFA NAAZENGA

Omujugangoma gw'omukibira Rwamuganga gukaba guraihire okukira endiijo miti eyaamwo. Amababi g'aha mataagi gaagwo gaajwerwa akashana karungi. Akayaga ku kaagarabamu gaagyenda nigeehungahunguura, haza enyonyi zaayegama omu kibunda nizityorezamu.

Eibabi ry'omu mashokye gaarwo g'esingiza riti, "Shi! Aha ni harungi!

Nindanzya oku n'oku nindeeba ei izooba rifumukira n'ei rirengyera. Nyekiro n'enyonyoozi z'ahaiguru nazo ziinyakira hagufu; haza kandi timpikwaho nyamaishwa n'obu yaakubaire entwiga nari enjojo ezaakushoromire ikandya nk'oku zirya agandi mababi agaziri hagufu".

"kwonka bambe! Ndi embohe, nindemwa okuruga ahu ndi nkazeereera omu mwanya nke'enyonyi ezeegama aha muti ogu naakomirweho".

Obwo wakibabi yaagyezaho okwecwaho yaashobangirirwa. Yaayeta wakishande ati, "Nyaabura iwe! Ku waakwija okankomoorora ahari ogu muti, nkashohora nk'abandi".

Ndi Wakishande ati, "Nga, bambe! Ekirikunzibira kukukomoorora okuba noija kugwa omu kabi kahango aku otarikwetegyereza, manya okiri muto."

Ndi Wakibabi ati, "Nyeetsire, mpikire n'aha kwetegyeka hataine ekirikuntarira na kimwe".

Wakishande ati, "Biri iwe bakacwa kare enfumu ngu 'Omukono ogutanga niguzayo togutanga nigurugayo'. Ku gugwerererwa nibwo gusiima ebyawe, ebi waaguteisiza gukabugaya. Waayangire irooko shi!"

Ndi Wakibabi ati, "Kyakuhena! Mugyenzi wangye! Eki orikutiinisa noogira ngu kiriho? Nyowe ka ntarikukireeba; kandi ndi mukuru, reeba mpikize emyaka ikumi yona, naakagatsire." (Haza ga wakibabi obwo naayebeiha okuba akaba atakahikize mwaka na gumwe).

Omuri ako kacu haija omukumbi gw'entuuha zaateekama ahari Nyamujugangoma. Wakibabi ati, "Nyaabura imwe! Ku mwakwija mukancwaho egi migoye enkomire ahari ogu muti, nkaguruka nkaimwe."

Zaarugwaho entuuha emwe, yaija yaamukomoorora aha muti. Wakibabi ati, "Webare Wantuuha! Waanyiha omu g'abasheki! Hati ori munywani wangye."

Ku yaagucwekireho ati, yaazeereera akacu kaye, yaayeta magyenzi ge ati, "Munkuraate!" Gaayanga. Bambi! Nyakibabi kyaitu kyaremwa okuguruka nka Baawanyonyi. Ahonaaho kyayetuura owa Ishe-butaka kyahonga bitakakyeire bibiri, kyayoma kyacwaguruka ahabw'okuburwa amaizi aga nyamuti agakukitaahiremu, kuri kitaraimwire kikenda ngu kize ahandi kyetegyekye.

### Ebibuuzo:

- (a) Omutwe gw'ekihandiiko ekigwiniire makuru ki omushomi?
- (b) Ni kabi ki akarikugwera abo abarikutwaza nka Wakibabi?
- (c) Shoboorora enshoronza y'omuhandiiki omu kihandiiko eki.
- (d) Orikuheereza eby'okureeberaho, omuhandiiki akozeisa eiraka ki omuri eki kihandiiko?
- (e) Shushanisa emicwe ya Wakibabi n'eminyeeto y'eriigyenda.

#### Ekicweka C

#### FESTO KARWEMERA: Oshwera Abuuza.

8. Shoboorora eki omuzaano "oshwerwa abuuza" gurikwegyesa abo abarikwenda kutunga amaka.

9. Yoreka omugasho gwa Ishenkazi w'omwishiki omu kumutebekanisa kutunga amaka.

# G.E. LESSING: Emiriya (Garoti

- 10. Shoboorora ekirikutuma Omuzaano, Emiriya Goroti gwayetwa omuzaano gw'obusaasi (obubonero 25)
- 11. Shoboorora akagwe akaagwe akaagwereire Emiriya Garoti aha izooba ry'okugaitwa kwe n'omuheru gw'akagwe ako.

### **BYAHWAYO**